

გორის მუნიციპალიტეტის საკრებულოს წევრის მანუჩარ ლაფაჩის

2022 წლის 1 ოქტომბრიდან 2023 წლის 1 ნოემბრამდე გაწეული საქმიანობის

ანგარიში

2022 წლის 1 ოქტომბრიდან 2023 წლის 1 ნოემბრამდე დავესწარი გორის მუნიციპალიტეტის საკრებულოს 19 სხდომას და მონაწილეობა მივიღე 317 საკითხის განხილვაში. ბიუროს 42 სხდომას და 581 საკითხის განხილვაში მივიღე მონაწილეობა.

გაერთიანებული ვარ ფრაქცია „ქართული ოცნება-დემოკრატიულ საქართველოში“. დავესწარი ფრაქციის 6 სხდომას და მონაწილეობა მივიღე 62 საკითხის განხილვაში.

ვარ სივრცით-ტერიტორიული დაგეგმარების და ინფრასტრუქტურის კომისიის თავმჯდომარე, ჩავატარე 15 სხდომა და მონაწილეობა მივიღე 85 საკითხის განხილვაში. ასევე ვარ ქონების მართვის, ბუნებრივი რესურსების, აგრარულ და მიწის საკითხთა კომისიის წევრი. დავესწარი 12 სხდომას და მონაწილეობა მივიღე 100 საკითხის განხილვაში.

დამატებით ვარ პირის მუნიციპალიტეტის ტერიტორიაზე ცხოვრების (ყოფნის) ფაქტის დამდგენი კომისიის წევრი.

მიმდინარე პერიოდის განმავლობაში სისტემატიურად ვხვდებოდი ჩემს ამომრჩევებს რა დროსაც გამოიკვეთა მთელი რიგი პრობლემები, რაზეც მოვახდინე რეაგირება. ჩემს მაჟორიტარულ ოლქში სოფლის მხარდაჭერის პროგრამის ფარგლებში და სამოქალაქო ბიუჯეტიდან გამოყოფილი თანხებით განხორციელდა და იგეგმება სხვადასხვა ინფრასტრუქტურული სამუშაოების შესრულება, კერძოდ :

სოფელი სკრა :

- სოფლის მხარდაჭერის პროგრამის ფარგლებში მოეწყო სანიღვრე არხები.

სოფელი ბეთლემი:

- სოფელ ბეთლემში დასრულდა კლუბის სრული რეაბილიტაცია.
- სოფლის მხარდაჭერის პროგრამით მიმდინარეობს სკვერის მოწყობა.

სოფელი დიდი გორიჯვარი:

- სოფლის მხარდაჭერის პროგრამით მიმდინარეობს სკვერის გაფართოვება.
- 2022 წელს მოხდა 1150 მეტრი გზის ბეტონის საფარით მოწყობა, სანიღვრე სისტემისთ.
- სოფლის მხარდაჭერის პროგრამით მოხდება საბავშვო სკვერის გაფართოება

სოფელი პატარა გორიჯვარი:

- სოფლის მხარდაჭერის პროგრამით გაკეთდა სანიღვრე არხი.
- მერიის კეთილმოწყობის სამსახურის დახმარებით მოხდა სოფლამდე მისასვლელი გზის დაზიანებული მონაკვეთის რეაბილიტაცია.

სოფელი კომკები:

- სოფლის მხარდაჭერის პროგრამით მოეწყო სანიაღვრე არხი.
- სოფელ კომკებში ე.წ. თომანთ უბნამდე დაიგო ბეტონის საფარით გზა, მდინარეზე გადასასვლელი „ბოგირით“.

სოფელი რიეთი:

- სოფლის მხარდაჭერის პროგრამით გაკეთდა სანიაღვრე არხი.

სოფელი ტინისხიდი:

- სოფ. ტინისხიდში 2022 წელს გაკეთდა საბავშვო ატრაქციონები სოფლის განვითარების პროგრამით.
- 2023 წელს მიმდინარეობს ძველი, არსებული სკვერის შემოღობვა სოფლის განვითარების პროგრამით.
- 2022 წელს დასრულდა სოფლის ადმინისტრაციული შენობის რეაბილიტაცია სამოქალაქო ბიუჯეტის ფარგლებში.
- 2023 წელს სამოქალაქო ბიუჯეტით გაკეთდა და დამონტაჟდა სპორტული ტრენაჟორები.
- დასრულდა სოფლის სასაფლაოს და შიდა საუბნო გზების ბეტონის საფარით დაგება.
- 2023 წელს დაიგო სოფლის ერთ-ერთ უბანში 832 მეტრი ასფალტის საფარით გზა.

სოფელი თედოწმინდა:

- 2022 წელს მოეწყო სკვერი და ატრაქციონები სოფლის განვითარების პროგრამით.
- 2023 წელს მოხდა აღნიშნული რეკრეაციული ზონის შემოღობვა.

სოფელი ორთაშენი:

- 2022 წელს მოხდა სოფლის სასაფლაოს შემოღობვა, სოფლის მხარდაჭერის პროგრამით.

- 2023 წელს სასმელი წყლის სისტემა გადავიდა მუდმივ უწყვეტ მიწოდების სისტემაზე, სოფლის განვითარების პროგრამით.
- 2023 წელს მოეწყო სპორტული ტრენაჟორები, სამოქალაქო ბიუჯეტის ფარგლებით.

აქტიურად ვარ ჩართული მუნიციპალიტეტის როგორც საკრებულოს მუდმივმოქმედი კომისიების, ასევე მერიის სამუშაო ჯგუფების საქმიანობაში. ჩართული ვარ მუნიციპალიტეტის მერის ინიციატივით შექმნილ სამუშაო ჯგუფებში მათ შორის: „პირის მუნიციპალიტეტის ტერიტორიაზე ცხოვრების (ყოფის) ფაქტის დამდგენი კომისიის შემადგენლობისთვის კანდიდატურების მოწოდებას.“

ამასთან ერთად აქტიურად ვარ ჩართული მუნიციპალიტეტის 2024 წლის ბიუჯეტის დაგეგმვაში და პრიორიტეტების დოკუმენტის შემუშავებაში.

გორის მუნიციპალიტეტის საკრებულოს წევრის მანუჩარ ლაფაჩის

ამომრჩევლებთან შეხვედრის დამადასტურებელი

ოქმი

სოფ. სკრა

2023 წლის 24 ოქტომბერი.

სხდომას ესწრებოდნენ :

საკრებულოს თავმჯდომარის პირველი მოადგილე: მარლენ ნადირაძე;

ფრაქცია „ქართული ოცნება - დემოკრატიული საქართველო“ - ფრაქციის თავმჯდომარე: კობა ბერიანიძე;

საკრებულოს წევრი: მანუჩარ ლაფაჩი;

სხდომას ასევე ესწრებოდნენ: სკრის ადმინისტრაციული ერთეულის მოსახლეობა და საკრებულოს აპარატის უფროსი სპეციალისტი აკაკი გიუნაშვილი;

სხდომას თავმჯდომარეობდა: საკრებულოს თავმჯდომარის პირველი მოადგილე, მარლენ ნადირაძე.

დღის წესრიგი

საკრებულოს წევრის მანუჩარ ლაფაჩის 2021 წლის 3 დეკემბრიდან 2022 წლის 1 ოქტომბრიდან 2023 წლის 1 ნოემბრამდე განვლილ პერიოდში გაწეული მუშაობის შესახებ ანგარიში

სხდომის თავმჯდომარემ დამსწრე პირებს წარუდგინა საკრებულოს წევრი მანუჩარ ლაფაჩი და გააკეთა განმარტება, რომ საკრებულოს ყველა წევრი ვალდებულია წელიწადში ერთხელ მაინც, არაუგვიანეს 1 ნოემბრისა, ამომრჩეველს წარუდგინონ ანგარიში გაწეული მუშაობის შესახებ, ანგარიშის განხილვისას უპასუხონ ამომრჩეველთა მიერ დასმულ შეკითხვებს.

სხდომის დღის წესრიგის მიხედვით სიტყვა გადასცა საკრებულოს წევრს მანუჩარ ლაფაჩს რომელმაც დეტალურად ისაუბრა 2022 წლის 1 ოქტომბრიდან 2023 წლის 1 ნოემბრამდე განვლილ პერიოდში მის მიერ გაწეული საქმიანობის შესახებ. აღნიშნა ის

გამოწვევები და სიკეთეები რაც თან ახლდა მოსახლეობის პრობლემების მოგვარებას, მოსახლეობის მხრიდან დაისვა შეკითხვები, რომლებიც ძირითადად ეხებოდა ინფრასტრუქტურულ პროექტებს და სოციალურ პრობლემებს. საკრებულოს წევრმა მანუჩარ ლაფაჩმა აღნიშნა, რომ იგი აქტიურადაა ჩართული მუნიციპალიტეტის 2024 წლის ბიუჯეტის პროექტის შედგენის და პრიორიტეტების დოკუმენტის მომზადებაში, სადაც ასევე იქნება მოსახლეობის ის პრობლემები ასახული რომელის გაკეთებაც ვერ მოხერხდა ამ წლის ბიუჯეტიდან.

აზრი გამოთქვას: მერი მაყიშვილმა, ვლადიმერ მაზიშვილმა და არჩილ მეგრელიშვილმა.

გადაწყვიტეს: პრობლემების გამოვლენის და აღმოფხვრის მიზნით გაიზარდოს მოსახლეობის ჩართულობა, რისთვისაც უფრო სისტემატიური ხასიათი მიიღოს საკრებულოს წევრების და ამომრჩევლების ურთიერთშეხვედრებმა და ურთიერთ თანამშრომლობამ.

სხდომის თავმჯდომარე:

მარლენ ნადირაძე;

საკრებულოს წევრი:

მანუჩარ ლაფაჩი.